

Nalazi rijetkih vrsta utve zlatokrile (*Tadorna ferruginea*) i baršunastog turpana (*Melanitta fusca*) na akumulaciji Lipa u Livanjskom polju

Sightings of rare species Ruddy Shelduck (*Tadorna ferruginea*) and Velvet Scoter (*Melanitta fusca*) on Lipa water reservoir in Livanjsko polje: On 4 December 2016, during the regular monitoring of birds, habitats and illegal hunting on Livanjsko polje within the Adriatic Flyway 3 project, one Ruddy Shelduck (*Tadorna ferruginea*) and two Velvet Scoters (*Melanitta fusca*) were observed on Lipa water reservoir.

Tokom redovnog monitoringa ptica, staništa i krivolova na Livanjskom polju, u okviru projekta Adriatic Flyway 3, 04.12.2016. na akumulaciji Lipa posmatrane su rijetke vrste utva zlatokrila (*Tadorna ferruginea*) i baršunasti turpan (*Melanitta fusca*). Utva zlatokrila kretala se u jatu od 16 šarenih utvi (*Tadorna tadorna*). Ploveći, držala je čelo kolone, dok su je pratile šarene utve. U slučaju uznemiravanja od strane krivolovaca prisutnih u tom trenutku na Lipi, prva je polijetala sa vode, da bi za njom i druge patke. Pokazivala je agresivno ponašanje prema galebovima. Na nozi ove ptice nisu uočeni prstenovi, po čemu bi se, uz obrasce ponašanja, moglo zaključiti da se radi o divljem primjerku. Istu jedinku tokom decembra fotografisali su Mirko Šarac i Ivica Lolić, da bi posljednji put bila posmatrana 23.12.2016. u jatu sa 20 šarenih utvi.



Slika 1 i 2. Utva zlatokrila (lijevo) i baršunasti turpan (desno) na akumulaciji Lipa
(Foto: Goran Topić)

Figures 1 and 2. The Ruddy Shelduck (left) and the Velvet Scoter (right) on Lipa water reservoir
(Photo: Goran Topić)

Na istom lokalitetu, također 04.12.2016. posmatrana su i dva primjerka baršunastog turpana. Turpani su se hranili, konstantno zaranjajući i provodeći duže vremenske intervale ispod površine vode. Bili su izdvojeni od ostalih pataka koje su u tom trenutku obitavale na Lipi. Tokom naknadnih izlazaka na navedenu akumulaciju, ova vrsta nije bila prisutna. Utva zlatokrila i baršunasti turpan i pored višegodišnjih istraživanja ptica do sada nisu bilježeni na prostoru Livanjskog polja.

Goran Topić

Ornitološko društvo "Naše ptice", Semira Frašte 6, 71000 Sarajevo, naseptice@hotmail.com